

ხელშეკრულება

სახელმწიფო შესყიდვის შესახებ №26

ქ. თბილისი

22 თებერვალი 2024 წელი

1. ხელშეკრულების დამდები მხარეები

ერთის მხრივ, სსიპ - საქართველოს შსს აკადემია (მის: ქ.თბილისი, გმირი კურსანტების ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდენტიფიკაციო კოდი: 209467628), შემდგომში წოდებული „შემსყიდველად“, წარმოდგენილი რექტორის ვახტანგ გაბრიჭიძის სახით და მეორეს მხრივ: შპს „ლუქს ფულ“, საიდენტიფიკაციო კოდი: 437064739; მისამართი, ტელეფონი: ქ.თბილისი, დუმბაძის N22;

დირექტორი: ნანა ჩიკვაძე;

საბანკო რეკვიზიტები: თიბისი ბანკი; ბანკის კოდი: TBCTBG22; ა/ა: GE66TB7644236050100001

შემდგომში წოდებული „მიმწოდებლად“, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

მხარეები ხელმოწერით ადასტურებენ, რომ „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნების შესაბამისად არ იმყოფებიან ინტერესთა კონფლიქტში.

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

2.1 ხელშეკრულების (შესყიდვის) ობიექტი: ქ. თბილისში, გმირი კურსანტების ქ. N4-ში მდებარე სსიპ - საქართველოს შსს აკადემიის დახურული ტიპის საცურაო აუზის მოვლა-დასუფთავების, დეზინფექციის და ტექნიკური მომსახურების შესყიდვა (სათადარიგო ნაწილების გათვალისწინებით). ინფორმაცია მომსახურების დასახელების, ტექნიკური მახასიათებლების, რაოდენობისა და ერთეულის ღირებულების შესახებ მოცემულია ხელშეკრულებაზე თანდართულ ტექნიკურ დავალებაში (დანართი N1) და პრეისკურანტში (დანართი N2), რომლებიც თან ერთვის ხელშეკრულებას და წარმოადგენს მის განუყოფელ ნაწილს

2.2 შესყიდვის საშუალება: ელექტრონული ტენდერი აუქციონის გარეშე **NAT240002559**.

2.3 ხელშეკრულების საერთო ღირებულება შეადგენს 60 000.00 (სამოციანასი) ლარს. ხელშეკრულების ღირებულება მოიცავს, როგორც შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს. პრეისკურანტის (დანართი №2) ღირებულება შეადგენს **7129.53** (შვიდიათას ასოცდაცხრა ლარი და 53 თეთრი) ლარს.

2.4 კლასიფიკატორის კოდი: CPV 50700000

2.5 ხელშეკრულება ძალაშია ხელშეკრულების გაფორმებიდან 2025 წლის 31 მარტის ჩათვლით, მაგრამ არაუადრეს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.

3. მომსახურების გაწევის პირობები, ვადა და ადგილი

3.1 მომსახურების გაწევის ვადა:

3.1.1 მომსახურების გაწევის ვადა: ხელშეკრულების გაფორმებიდან 2024 წლის 31 დეკემბრის ჩათვლით, ეტაპობრივად შემსყიდველის მოთხოვნის შესაბამისად.

3.1.2 მიმწოდებელი ვალდებულია აუზის და მისი სისტემის მაკომპლექტებელი დეტალის დაზიანების აღმოჩენის შემთხვევაში, გამოძახებიდან არაუმეტეს 12 (თორმეტ) საათში, გამოცხადდეს ობიექტზე და უზრუნველყოს დეფექტური აქტის შედგენა (დეფექტური აქტის შესადგენად საჭირო ხარჯების ანაზღაურება უნდა განახორციელოს მიმწოდებელმა).

3.1.3 მიმწოდებელი ვალდებულია თუ შეკეთება არ მოითხოვს სათადარიგო ნაწილის შეცვლას, დეფექტური აქტის ხელმოწერიდან 24 (ოცდაოთხი) საათის განმავლობაში უზრუნველყოს სათადარიგო ნაწილის შეკეთება.

3.1.4 მიმწოდებელი ვალდებულია თუ შეკეთება მოითხოვს სათადარიგო ნაწილის შეცვლას, თუმცა არ არის აუცილებელი აღნიშნული სათადარიგო ნაწილის საზღვარგარეთ შეკვეთა დეფექტური აქტის ხელმოწერიდან 48 (ორმოცდარვა) საათის განმავლობაში უზრუნველყოს სათადარიგო ნაწილის შეცვლა.

3.1.5 მიმწოდებელი ვალდებულია თუ შეკეთება მოითხოვს სათადარიგო ნაწილის შეცვლას და ამასთან, აუცილებელია აღნიშნული სათადარიგო ნაწილის საზღვარგარეთ შეკვეთა დეფექტური აქტის ხელმოწერიდან 15 (თხუთმეტი) სამუშაო დღის განმავლობაში უზრუნველყოს სათადარიგო ნაწილის შეცვლა (აღნიშნულ შემთხვევაში, შემსყიდველის მოთხოვნიდან 2 (ორი) სამუშაო დღის განმავლობაში მიმწოდებელმა უნდა წარუდგინოს შემსყიდველს სათადარიგო ნაწილის საზღვარგარეთ შეკვეთის დამადასტურებელი დოკუმენტი).

3.1.6 საჭიროების შემთხვევაში, ტექნიკურ მომსახურებასთან ერთად, იგივე ვადაში მიმწოდებელმა უნდა უზრუნველყოს აუზში წყლის შეცვლა.

3.1.7 ყოველთვიური დათვალიერება-შემოწმების მიზნით, შემსყიდველის მიერ ელექტრონული ფოსტის ან სატელეფონო შეტყობინების გზით გაიგზავნება მოთხოვნა მიმწოდებლისთვის, მიმწოდებელი ვალდებულია შეტყობინების მიღებიდან 2 (ორი) კალენდარული დღის განმავლობაში გამოცხადდეს ადგილზე. შესაბამისად ანაზღაურება ყოველ ჯერზე განხორციელდება მხოლოდ შემსყიდველის მიერ მითითებულ/მოთხოვნილ პოზიციებზე.

3.1.8 შეტყობინება შესაძლებელია განხორციელდეს სატელეფონო შეტყობინების ან/და ელექტრონული ფოსტის მეშვეობით. ელექტრონულ ფოსტაზე შეტყობინების მიღების თარიღი ჩაითვლება შესასრულებელი დავალების გაცემის თარიღად.

3.2 მომსახურების გაწევის ადგილი: ქ. თბილისი, გმირი კურსანტების ქ. N4.

3.3 მომსახურების გაწევის პირობები:

3.3.1 მომსახურება უნდა განხორციელდეს დანართ N2-ში (პრეისკურანტში) მითითებული შესაბამისი საქონლის და მომსახურების მიხედვით. ასევე დანართი N1- ში (ტექნიკური დავალება) მოცემული პირობების შესაბამისად.

3.3.2 მომსახურე პერსონალი უნდა იყოს კვალიფიციური სპეციალისტ(ებ)ით დაკომპლექტებული და აღჭურვილი ყველა საჭირო ხელსაწყოებით.

3.3.3 პრეტენდენტის მიერ მომსახურების გაწევის დროს გამოყენებული უნდა იქნას ახალი (არამეორადი) სათადარიგო ნაწილები. მეორადი სათადარიგო ნაწილების გამოყენება დასაშვებია მხოლოდ შემსყიდველთან შეთანხმებით და მათი ღირებულება განსაზღვრული იქნება ურთიერთშეთანხმების საფუძველზე (მეორადი სათადარიგო ნაწილის ღირებულება ნაკლები უნდა იყოს ახალი სათადარიგო ნაწილის ფასზე).

3.3.4 პრეისკურანტში დანადგარის ტექნიკური მომსახურების/საქონლის რომელიმე ერთეულის არარსებობისას, აღნიშნული ერთეულის ფასი (მისი შესყიდვის აუცილებლობისას) დადგინდება შემსყიდველისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში დანადგარის ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

3.3.5 მიმწოდებელმა გაუმართაობის დიაგნოზის დასმა, დეტალების შეცვლა და სისტემის ჩართვა/ექსპლუატაციაში გაშვება უნდა მოახდინოს აგრეგატის ობიექტიდან გატანის გარეშე.

აუცილებლობის შემთხვევაში, აგრეგატის გატანა უნდა მოხდეს ხელშეკრულების კოორდინატორთან (ინსპექტირების გამწევ პირთან) შეთანხმებით.

3.3.6 მიმწოდებელმა შეცვლილი დეტალები უნდა დატოვოს ობიექტზე, შესაბამის უფლებამოსილ პირთან.

3.3.7 სამუშაოების შესრულების დროს დაცული უნდა იყოს უსაფრთხოების ნორმები.

3.3.8 მიმწოდებელი ვალდებულია შესრულებული სამუშაოს ამსახველი დოკუმენტაცია (მიღება-ჩაბარების აქტი) წარმოადგინოს არაუგვიანეს საანგარიშო თვის მომდევნო თვის 15 რიცხვისა.

3.3.9 მიმწოდებლის მიერ შემსყიდველის ქონების დაზიანების შემთხვევაში, მიმწოდებელი ვალდებულია საკუთარი ხარჯებით აღმოფხვრას აღნიშნული დაზიანება/მიყენებული ზიანი (აღნიშნულის შესახებ შემსყიდველის ინფორმირება უნდა განხორციელდეს იმავე კალენდარულ დღეს, დაზიანება უნდა აღმოფხვრას არა უმეტეს 5 (ხუთი) კალენდარული დღის ვადაში)

3.3.10 საცურაო აუზის სარემონტო სამუშაოების ან სხვა მიზეზით დაკეტვის შემთხვევაში შემსყიდველი არ აუნაზღაურებს მიმწოდებელს აღნიშნული პერიოდის ღირებულებას (საცურაო აუზის დაკეტვის საჭიროების დადგომის შემთხვევაში შემსყიდველის მიერ წინასწარ ეცნობება მიმწოდებელს).

3.4 მიმწოდებელი ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4. გასაწევი მომსახურების ხარისხი და გარანტია

4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

4.2 შესყიდვის ობიექტის საგარანტიო ვადა: მიმწოდებლის მიერ გაწეულ მომსახურებაზე და შეცვლილ დეტალებზე გარანტია ვრცელდება მიღება-ჩაბარების გაფორმებიდან 1 (ერთი) წლის განმავლობაში.

4.3 შესყიდვის ობიექტის ხარვეზის ან/და ნაკლის გამოსასწორების ვადა და პირობები: მიმწოდებლის მიერ გაწეულ მომსახურებაზე და შეცვლილ დეტალებზე გარანტია ვრცელდება მიღება-ჩაბარების გაფორმებიდან 1(ერთი) წლის განმავლობაში. მიმწოდებელმა, საგარანტიო ვადის პერიოდში გამოვლენილი წუნდებული დეტალების შეკეთება/შეცვლა უნდა უზრუნველყოს საკუთარი ხარჯებით, მოთხოვნიდან 2 (ორი) კალენდარული დღის ვადაში.

4.4 მიმწოდებლის მიერ ამ მუხლით განსაზღვრული ვალდებულების შეუსრულებლობის შემთხვევაში შემსყიდველს უფლება აქვს მოსთხოვოს მიმწოდებელს შესაბამისი ხარჯების ანაზღაურება.

5. ხელშეკრულების შესრულების კონტროლი

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და შეამოწმონ მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3. შემსყიდველი შესყიდვის ობიექტის მიწოდების ინსპექტირებას ახდენს სისტემატიურად, საკუთარი შეხედულებისამებრ. კონტროლი ხორციელდება როგორც შუალედური ფორმით - შესყიდვის ობიექტის მიწოდების პროცესში, ისე მისი დამთავრების შემდგომ. შემსყიდველი იტოვებს უფლებას, ხელშეკრულების მიმდინარეობის ნებისმიერ ეტაპზე მოახდინოს დამატებითი კვლევა.

5.4 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა და წუნდებით გაწეული მომსახურების ხელახალი შესრულება.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ - საქართველოს შსს აკადემიის ლოჯისტიკის სამსახურის საცურაო აუზის ადმინისტრატორის უფლება-მოვალეობების შემსრულებელი - მეგი ყუფარაძე.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2. შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირს წარმოადგენს სსიპ - საქართველოს შსს აკადემიის ლოჯისტიკის სამსახურის საცურაო აუზის ადმინისტრატორის უფლება-მოვალეობების შემსრულებელი - მეგი ყუფარაძე.

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6.4. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2024 წლის სახელმწიფო ბიუჯეტის სახსრებით, ეტაპობრივად, ფაქტიურად გაწეული მომსახურების მიხედვით. მიღება-ჩაბარების აქტისა და შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) წარმოდგენის შემდეგ არაუგვიანეს 10 (ათი) სამუშაო დღის ვადაში.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 1%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის, მათ შორის ხარვეზის აღმოფხვრის ან/და ნაკლის გამოსწორებისათვის განსაზღვრული ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.15%-ის ოდენობით.

8.4 მიმწოდებელს ხელშეკრულების შეწყვეტის შემთხვევაში დაეკისრება ჯარიმა ხელშეკრულების საერთო ღირებულების 5%-ის ოდენობით.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 (ერთი) თვის ვადაში.

8.6 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების ორჯერ დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის პირველ და მე-5 პუნქტებში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, რომელსაც თან უნდა ახლდეს შესაბამისი დამადასტურებელი დოკუმენტაცია, მათ შორის, სსიპ „საქართველოს სავაჭრო სამრეწველო პალატის“ დასკვნა ფორს-მაჟორის დადასტურების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს

ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

11.3 ხელშეკრულების საბოლოო ღირებულება განისაზღვრება, შემსყიდველის მოთხოვნის შესაბამისად, ფაქტობრივად მიწოდებული შესყიდვის ობიექტის ღირებულებით, რაც არ საჭიროებს დამატებით შეთანხმებას.

12. უფლებების გადაცემა

12.1 ხელშეკრულებით განსაზღვრული უფლება-მოვალეობების მთლიანი ან ნაწილობრივი გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

12.2. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.)

13. ღირებულება

13.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

13.2 მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

13.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.

13.4 ხელშეკრულების შესყიდვის ობიექტის ერთეულის ღირებულების ცვლილება ფორმდება მხარეთა წერილობითი შეთანხმების სახით.

14. ურთიერთობა ხელშეკრულების დამდებ მხარეებს შორის

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი

შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი: ამირან კოროშინაძე; ტელეფონის ნომერი: : 557514451; ელექტრონული ფოსტა: luxpool1@gmail.com. მიმწოდებლის შემდეგი რეკვიზიტები: საკონტაქტო პირი: ზურაბ ქათამაძე; ტელეფონის ნომერი: : 598502525; ელექტრონული ფოსტა: : lux_pool@mail.ru.

ბ) შემსყიდველის შემდეგი რეკვიზიტები: საკონტაქტო პირი: ტარიელ გალდავა ; ტელეფონის ნომერი: 597308024; ელექტრონული ფოსტა: academytato@gmail.com.

14.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

14.4 შეტყობინება შედის ძალაში ადრესატის მიერ მისი მიღების დღეს.

15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ორგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

15.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე და ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის დასათაურებაში ან დანომრებაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

16.6 პრეტენდენტის მიერ სახელმწიფო შესყიდვის განხორციელების ნებისმიერ ეტაპზე, სახელმწიფო შესყიდვების ერთიან ელექტრონულ სისტემაში ატვირთული ან შემსყიდველისთვის გადაცემული პერსონალური ინფორმაცია, საქართველოს შინაგან საქმეთა სამინისტროს მიერ, „პერსონალურ

მონაცემთა დაცვის შესახებ“ საქართველოს კანონის შესაბამისად, შესაძლებელია დამუშავდეს სახელმწიფო შესყიდვის მიზნებისთვის.

მხარეთა მიერ გამოყენებული იქნება ელექტრონული ხელმოწერები

**ქ. თბილისი, გმირი კურსანტების ქ. N4-ში მდებარე სსიპ-საქართველოს შინაგან საქმეთა სამინისტროს აკადემიის
დახურული ტიპის საცურაო აუზის**

მომსახურების პირობები:

მომსახურება მოიცავს ქ. თბილისში, გმირი კურსანტების ქ. N4-ში მდებარე სსიპ-საქართველოს შსს აკადემიის ტერიტორიაზე არსებული დახურული ტიპის საცურაო აუზის (25x15 მეტრი, აუზის ფსკერი და კედლები დაფარულია „ლაინერით“) მომსახურებას ყოველდღიური (24 საათიანი) მომსახურე პერსონალის საშუალებით, რათა დაცული იყოს აუზში წყლის ქიმიური და ტემპერატურული რეჟიმი;

მიმწოდებელი ვალდებულია დაუყოვნებლივ, წერილობით და სიტყვიერად აცნობოს შემსყიდველს აუზის ან მისი შემადგენელი ნაწილების დაზიანების შემთხვევაში, რაზეც მიმწოდებელმა უნდა შეადგინოს დეფექტური აქტი (აქტი ხელმოწერილი უნდა იყოს შემსყიდველის წარმომადგენლის და მიმწოდებლის მიერ), რის შემდეგაც მიმწოდებელმა უნდა უზრუნველყოს დაზიანებული დეტალების შეცვლა.

მიმწოდებელმა უნდა უზრუნველყოს სისტემის ექსპლუატაციაში გაშვება.

ამასთან მიმწოდებელი ვალდებულია მოახდინოს სსიპ - საქართველოს შსს აკადემიის ტერიტორიაზე არსებული საცურაო აუზის უზრუნველყოფა 24 (ოცდაოთხი) საათიანი ზედამხედველობით მისი წარმომადგენლის მუდმივად ადგილზე ყოფნით (მათ შორის აგრეგატების ტექნიკური მდგომარეობის კონტროლი), წარმომადგენელი აღჭურვილი უნდა იყოს შესაბამისი უნიფორმით და ყველა საჭირო ინსტრუმენტით. მიმწოდებელი ვალდებულია უზრუნველყოს:

შ) დოზაციის სისტემის კონტროლი (შემოწმება/დაკალიბრება) შემსყიდველის მოთხოვნის შემთხვევაში;

შ) სატუმბი მოწყობილობის (პომპა) კონტროლი;

შ) ფილტრის და მისი მანომეტრის კონტროლი (ფილტრის მოვლა-გასუფთავება-გარეცხვა);

შ) გათბობა-წყალმომარაგების სისტემის გამართული ფუნქციონირების კონტროლი;

ე) წყლის ტემპერატურის კონტროლი;

ვ) საცურაო აუზის ტერიტორიაზე განთავსებული ნესტ გამწოვი აპარატების გამართული ფუნქციონირების კონტროლი (წყლის რეზერვუარების დაცლა, ავსების შემთხვევაში)

2. წყლის სისუფთავის შენარჩუნების მიზნით მიმწოდებელი ვალდებულია მოახდინოს შესაბამისი ქიმიკატებით დეზინფიცირების (ქიმიკატების დოზაციის) რეგულირება და კონტროლი:

შ) წყალში თავისუფალი ქლორის რაოდენობის მუდმივად შენარჩუნება (ქლორის მუდმივი რაოდენობა უნდა იყოს 1,5), აუზის წყლის ნორმების შესაბამისად (წყლის მაჩვენებლების შესაბამისად, საჭიროებისამებრ გამოყენებული უნდა იყოს შესაბამისი ქიმიკატი);

შ) წყალში pH დონის შესანარჩუნებლად 7.2 -7.6 მაჩვენებლის ფარგლებში (ქიმიკატი - pH დონის ასაწევი საშუალება ან ქიმიკატი - pH დონის დასაწევი საშუალება);

შ) წყლის საერთო და კარბონატული სიხისტის ყოველდღიური კონტროლი პორტატული ანალიზატორით;

შ) წყალში ხავსის საწინააღმდეგო ხსნარის კვირაში ერთხელ ან/და საჭიროებისამებრ შესაბამისი დოზის დამატება (ქიმიკატი - ალგეციდი აუქაფებელი);

შ) ფლუკოლანდის ყოველდღიურად შესაბამისი დოზის დამატება;

შ) საცურაო აუზის წყლის ხარისხის/პარამეტრების (ქლორის, pH-ის, სიხისტის, მჟავიანობის დონე) შემოწმება საჭიროების შემთხვევაში, უნდა მოხდეს ციფრული ფოტომეტრის საშუალებით, რომელიც განკუთვნილია სასმელი და აუზის წყლის ანალიზისთვის და გააჩნია საქართველოს სტანდარტებისა და მეტროლოგიის ეროვნული სააგენტოს ან სხვა შესაბამისი აკრედიტაციის მქონე ორგანიზაციის მიერ გაცემული დაკალიბრების სერტიფიკატი;

- ბ) საჭიროების შემთხვევაში საცურაო აუზის წყლის ბაქტერიოლოგიური ანალიზის ჩატარება;
- ვ) აუზის წყალი მუდმივად უნდა იყოს შესაბამისი საჭირო ქიმიური საშუალებებით დამუშავებული.

3. მიმწოდებელმა უნდა მოახდინოს აუზის ფსკერის, კედლების, სკიმერებისა და მიმდებარე ბილიკების დასუფთავება:

- ბ) აუზის წყლის ქიმიური და სანიტარული სისუფთავის უზრუნველსაყოფად განახორციელოს აუზის ფსკერის, სკიმერებისა და კედლების ყოველდღიური (დამის საათებში) წმენდა სპეციალური საშუალებების გამოყენებით;
- ბ) თვეში ორჯერ აუზის გარშემო არსებული სივრცის იმ შესაბამისი ხსნარ(ებ)ით დამუშავება და დეზინფიცირება, რომლებიც უზრუნველყოფს ისეთი სახის ინფექციების განადგურებას, როგორიცაა: სოკო, სტაფილოკოკი, ჰეპატიტი B, ვირუსი Rarva (მეჭექების გამომწვევი ვირუსი) და სხვა (ქიმიკატი - მადეზინფიცირებელი საშუალება);
- ბ) საცურაო აუზის დარბაზის შესასვლელების წინ განთავსებულ ჯამებში შესაბამისი დოზის ქლორირებული ხსნარის განთავსება და მისი რეგულარული ცვლა (ქიმიკატი - ჰიპოქლორიდი);
- ბ) საჭიროების შემთხვევაში, აუზში წყლის შეცვლა (გაშვება და ახლით შევსება) უნდა შეთანხმდეს შემსყიდველთან;
- ე) უზრუნველყოს აუზის შენობაში, აუზის გარშემო სანიტარულ სისუფთავეზე ზედამხედველობა.

4. მიმწოდებელმა უნდა უზრუნველყოს საფილტრი მოწყობილობების რეგულარული წმენდა, ტექნიკური მოწყობილობების სწორი ექსპლუატაცია, პრევენციული ზედამხედველობა და პერიოდულად ტექნიკური დათვალიერება, აღნიშნულის თაობაზე დამკვეთისათვის ინფორმაციის მიწოდება.

შენიშვნა:

- მიმწოდებლის მიერ წყლის ქიმიური დამუშავების და/ან აუზის ტექნიკური მომსახურების გაწევის (შეკეთება/ნაწილის შეცვლა) პროცესს აუცილებლად უნდა ესწრებოდეს შემსყიდველის წარმომადგენელი. წინააღმდეგ შემთხვევაში არ მოხდება გაწეული მომსახურების მიღება-ჩაბარება.
- გამოყენებადი ქიმიური და სხვა სახის საშუალებები უნდა იყოს საქართველოს ჯანდაცვის სამინისტროს მიერ სერტიფიცირებული, მიმწოდებლის მიერ გამოყენებული საშუალებები არ უნდა იყოს მავნებელი ადამინის ჯანმრთელობისთვის.

დანართი N2					
ქ. თბილისი, გმირი კურსანტების ქ. N4-ში მდებარე სსიპ-საქართველოს შინაგან საქმეთა სამინისტროს აკადემიის დახურული ტიპის საცურაო აუზის მომსახურების პრეისკურანტი					
ყოველდღიური მომსახურება					
Nº	მომსახურების დასახელება (მისამართი)	მომსახურების პერიოდულობა	სამუშაო საათები	თვეში გასაწვეი მომსახურების ზღვრული ღირებულება (ლარი)	მიმწოდებლის მიერ შემოთავაზებული ერთ თვეში გასაწვეი მომსახურების ღირებულება (ლარი)
1	ქ. თბილისი, გმირი კურსანტების ქ. N4-ში მდებარე სსიპ-საქართველოს შინაგან საქმეთა სამინისტროს აკადემიის დახურული ტიპის საცურაო აუზის (25X15X2.40) მოვლა დასუფთავებისა და დეზინფექციის მომსახურება	ხელშეკრულების გაფორმებიდან 2024 წლის 31 დეკემბრის ჩათვლით - ყოველდღიურად	24 საათის განმავლობაში	3160.00	2888.56
გამოსაყენებელი ქიმიკატები					
Nº	ქიმიკატის დასახელება	რაოდენობა	განზომილება	ერთეულის ზღვრული ღირებულება (ლარი)	მიმწოდებლის მიერ შემოთავაზებული ერთეულის ღირებულება (ლარი)
1	ქლორის შემცველი ქიმიკატი 90 % იანი გრანულები (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	პბ	25.00	22.85
2	ქლორის შემცველი ქიმიკატი 90 % იანი აბები (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	პბ	25.00	22.85
3	pH დონის დასაწვეი საშუალება (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	პბ	13.00	11.88
4	pH დონის ასაწვეი საშუალება (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	პბ	15.00	13.71
5	ალგეციდი აუტოფეხელი (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	ლიტრი	18.00	16.45
6	წყლის მცენარეული წარმომავლებისაგან გამწმენდი თხევადი საშუალება (ალგეკში)	1	ლიტრი	18.00	16.45
7	ფლუკოლანდი (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	ლიტრი	12.00	10.96
8	ჰიპოქლორიდი (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	პბ	25.00	22.85
9	ნატრიუმის სულფატი (pH)	1	პბ	25.00	22.85
10	ნადების მოსახსნელი თხევადი საშუალება ლაინერისათვის (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	ლიტრი	25.00	22.85
11	წყლის ტესტი (წყვეთები)	1	ცალი	30.00	27.42
12	სადეზინფექციო ქიმიკატი (პრეტენდენტმა უნდა მიუთითოს გამოსაყენებელი ქიმიკატის ზუსტი დასახელება)	1	ლიტრი	12.00	10.96
13	წყლის ბაქტერიოლოგიური ანალიზის ჩატარება	1	ცალი	360.00	329.07
ჯამი				603.00	551.15
საჭიროების შემთხვევაში დეტალების შეგვლა					
Nº	შესატყუილი დეტალის/გასაწვეი მომსახურების დასახელება	განზომილება	რაოდენობა	საქონლის ერთეულის ზღვრული ღირებულება* (ლარი)	მიმწოდებლის მიერ შემოთავაზებული ერთეულის ღირებულება (ლარი)
1	სკიმიერი 45სმ 20სმ	ცალი	1	350.00	319.93
2	სკიმიერის ტიგერეა (სკიმიერი 45სმ 20სმ)	ცალი	1	60.00	54.84
3	სკიმიერის (ჯიბი) ბადე (სკიმიერი 45სმ 20სმ)	ცალი	1	60.00	54.84
4	წყლის გამყოფი ბილიკის ზორთაულები	ცალი	1	12.00	10.96
5	აუზის ტრაპის სახურავი შეცვლით	ცალი	1	40.00	36.56
6	ფსკერის კუბა შეცვლით	ცალი	1	10.00	9.14
7	ლაინერი	კვმ	1	65.00	59.41
8	ფუტა (აუზის მიმდებარე ფილებს შორის არსებული ღარის შემსუვრელი) მოწყობით (სამუშაო ითვალისწინებს არსებული ფუტის დემონტაჟს და ახალი ფუტის მოწყობას)	პბ	1	0.50	0.45
9	ფენტული 90 მმ. (ბატერფლი) შეცვლით	ცალი	1	203.00	185.56
10	საიერკულაციო ფილტრში (კვარცხის) ქვიშის შეცვლა	პბ	1	0.75	0.68
11	საიერკულაციო ტუმბო მრავის 1.5 HP სახურავი შეცვლით	ცალი	1	40.00	36.56
12	საიერკულაციო ტუმბო მრავის 1.5 HP საკისარი შეცვლით	ცალი	1	80.00	73.12
13	საიერკულაციო ტუმბო მრავის 1.5 HP ჩოხალი (საღონიკი) შეცვლით	ცალი	1	40.00	36.56
14	თერმოსტატის სენსორი (კომპლექტი) შეცვლით	ცალი	1	600.00	548.46
15	წყლის ფენტული 20 მმ შეცვლით	ცალი	1	25.00	22.85
16	წყლის ფენტული 25 მმ შეცვლით	ცალი	1	25.00	22.85
17	წყლის ფენტული 32 მმ შეცვლით	ცალი	1	25.00	22.85
18	წყლის ფენტული 50 მმ შეცვლით	ცალი	1	20.00	18.28
19	წყლის ფენტული 63 მმ შეცვლით	ცალი	1	22.00	20.11
20	წყლის ფენტული 75 მმ შეცვლით	ცალი	1	75.00	68.55
21	წყლის ფენტული 90 მმ შეცვლით	ცალი	1	130.00	118.83
22	წყლის ფენტული 110 მმ შეცვლით	ცალი	1	140.00	127.97
23	ელ. სარქველი (გაბიზის სისტემის) შეცვლით	ცალი	1	90.00	82.26
24	უკუსარქველი 90 მმ. (ბატერფლი) შეცვლით	ცალი	1	25.00	22.85
25	კიბის საყრდენი ფეხის რეზინები შეცვლით	ცალი	1	40.00	36.56
26	კიბის საფეხურის რეზინები შეცვლით	ცალი	1	19.00	17.36
27	საიერკულაციო ტუმბო მრავი 1.5 HP 15 მ.კ/წთ (ფაზა წილი) შეცვლით	ცალი	1	1100.00	1005.51
28	საიერკულაციო ტუმბო მრავის გადახვევა (თანმდეგი დეტალების შეცვლით)	ცალი	1	550.00	502.75
29	1200 მმ დიამეტრის ფილტრის რემ. კომპლექტი	კომპლექტი	1	100.00	91.41
30	110 მმ დიამეტრის PVC მასალის მილი 10 ატმ.	მეტრი	1	21.00	19.19
31	90 მმ დიამეტრის PVC მასალის მილი 10 ატმ.	მეტრი	1	16.00	14.62
32	75 მმ დიამეტრის PVC მასალის მილი 10 ატმ.	მეტრი	1	13.00	11.88
33	63 მმ დიამეტრის PVC მასალის მილი 10 ატმ.	მეტრი	1	12.00	10.96
34	110 მმ დიამეტრის PVC მასალის ფიტინგი	ცალი	1	9.00	8.22
35	90 მმ დიამეტრის PVC მასალის ფიტინგი	ცალი	1	7.00	6.39
36	75 მმ დიამეტრის PVC მასალის ფიტინგი	ცალი	1	7.00	6.39
37	63 მმ დიამეტრის PVC მასალის ფიტინგი	ცალი	1	4.50	4.11
ჯამი:				4036.75	3689.82
პრეისკურანტის ჯამური ღირებულება				7799.75	7129.53